

SOZIALISTA ABERTZALEAK. Salaketa jarri du Donostiako epaitegian

Ertzaintzak kalean jipoitu zuela salatu du Iñigo Balda Donostiako zinegotziak

Hala segituz gero Ertzaintzak «Guardia Zibilaren antza» hartuko duela dio Alvarezek

Garbiñe Olaizola | DONOSTIA

Donostiako Sozialista Abertzaleak taldeko zinegotzi Iñigo Baldak astelehen gauean Ertzaintzak jipoitu zuela salatu zuen atzo. Baldak salaketa jarri du Donostiako epaitegian gertakari horientatik eta atzo prentsaurrekoa eman zuen, Joseba Alvarez SAko legebiltzarkidearekin, jazoeren berri emateko.

Zinegotziak adierazi zuenez, San Sebastian Egunean, gauerdia inguruan, Josetxo Ibazeta SAko beste zinegotziarekin Donostiako Alde Zaharretik zihola, Juan de Bilbao eta San Jeronimo kaleak bat egiten duen lekuan, Ertzaintzaren furgoneta bat ikusi zuten, eta ondoan hamarbat ertzain.

«Guregana hurbildu ziren eta, hitzik esan gabe, batek masaileko bat eman zidan. Ondoren, kolpe gehiago eman zizkidaten. Ukabilkadak eta borrarrekin kol-

IÑIGO BALDA

Donostiako SAko zinegotzia

«Ukabilkadak eta borrarrekin kolpeak eman zizkidaten»

peak izan ziren», esan zuen. Erasoak hamar segundu iraun zuen, harik eta handik zebilen Josu Bujanda Donostiako Ertzaintzako buruak geldiarazi zuen arte.

Gertakari horrez gain, San Sebastian bezperan Ertzaintzak Donostian izan zuen «jarrera errepresiboaren» adibide batzuk eman zituen Baldak. Hala, gauean Donostiako sarreretan kontrolak jarri zituela eta kaleetan «okupazioa izugarria» izan zela nabarmendu zuen. Gauean zehar «probokazioa iraunkorra» izan zela esan zuen: «Jendea bultzatzen eta identifika-

tzen eta pankartak kentzen ari-tu ziren». Gau horretan Ertzaintzak bi aldiz kargatu zuela ere jakinarazi zuen Baldak.

Joseba Alvarezek adierazi zuenez, Donostiakoa ez da gertakari bakarra izan. Izan ere, Ertzaintzak Lezon omenaldi bat oztopatu zuen eta Barakaldon gazte bat koman egon da porraz emandako kolpeengatik. Horrek erakusten du, Alvarezen aburuz, «Ertzaintzaren barruan badagoela autoritarismo eta inpunitate joera bat». «Bide horretatik segitzen badu, Ertzaintzak geroz eta Guardia Zibilaren antz handiagoa hartuko du», adierazi zuen. Ildo horretan, Juan Jose Ibarretxe EAEko lehendakaria eta EAJ erantzule egin zituen eta dei egin zien «beraien Ertzaintza kontrolatzeko».

Jazoera salatzeako elkarretaratzea egingo dute larunbatean eguerdiko 12:30etan Donostian EAJren egoitzaren aurrean. Halaber, Eusko Legebiltzarrean Sozialista Abertzaleak taldeak galdera bat luzatuko dio idatziz hiruko Gobernuari.

LAGUNAREN



ANDONI CANELLADA / ARGAZKI PRESS

Garcia, Muruamendiaren, Aierbe eta Lasa, atzo.

Hiru sindikatuak bat egin du jarduerak politikorako euskal esparruaren aldeko hitzarmenarekin

Hiru garraiolarien sindikatuko kide Modesto Garciak eta Esteban Muruamendiaren harreman politikorako hitzarmena sinatu zuten atzo Batasunarekin. Aurretik, Karmele Aierbe eta Eusebio Lasa Batasuneko mahaikide ohiekin bildu ziren. Muruamendiaren «lan harremanetarako euskal esparrua» aldarrikatu zuen eta legez kanporatzearen gainetik Batasunarekin «harremanak normaltasunez izaten» segiko dutela.

Hemenek eta Herrikoak otsailaren 1eko manifestaziora deitu dute

Hemen eta Herrikoak elkar-teen, Batera plataformak otsailaren 1erako antolatu duen manifestaziora deitu dute. Herrikoak ekonomia sektoreko elkar-teen dio hemengo nortasuna errespetatzen duen ekonomia orekatua departamenduaren sortzetik baizik ezin dela indartu. Amikuze eskualdeko Avenir du Canton elkar-teen ere deia luzatu du.

Sarioa Galarraga aske utzi dute eta Euskal Herriatik mila kilometrora konfinatu

Sarioa Galarraga senpentera preso aske utzi zuten herenegun arratsean. Iazko irailaren 17an atxilotu zuten. Prozedura akats baten ondorioz, epaileak aske utzi behar izan zuen, egun bat lehenago, bere mutil lagun Bruno Josie bezala. Biak Frantzia ipar-ekialdean konfinatu dituzte, eta kontrol judizial zorrotza errespetatu beharko dute.

ELKARRI. Dauden ikuspegiak alderatzeko, hainbat hitzaldi antolatu ditu



MONIKA DEL VALLE / ARGAZKI PRESS

Gatazkaren korapiloa askatzeko bideen bila

Josu Amezaga eta Gotzone Mora EHUko irakasleak, eta Gorka Espiau Elkarriko bozemaileak egungo egoera politikoren korapiloa askatzeko alternatibez mintzatu ziren atzo iluntzean Algotako kultur aretoan. Hitzaldia Elkarriko antolatu

zuen, Bake bidea kanpainaren barruan, eta atzo ezker abertzaleko ikuspegia eta Aski Da! taldearena bildu zituen Amezaga eta Mora mahai berean esertzean. Gizarte mugimenduak beste mahai inguru bat antolatu du bihar, Areetako Musika Eskola, 19:30etan. Pedro Garcia Larragan, Gorka Landaburu eta Anparo Lasheras kazetariak izango dira hizlari, eta komunikabideek bake prozesu bati egin diezaioketen ekarpenez mintzatuko dira mahai inguruan.

Euroagindua kongresuko tramitea bakarrik falta du Frantzian indarrean jartzeko

Euroagindua indarrean jartzeko Kongresuko tramitea bakarrik falta da Frantzian. Horren arabera, estradizio prozesu luzearen ordezkari berehalako entrega ahalbidetuko da. Abenduan Asanblea Nazionalaren oniritzia jaso ondoren, atzo senatuan bozkatu zuten, eta alderdi komunistak bakarrik eman zuen aurkako boza. Otsailaren amaieran bilduko da Kongresua. Euroagindua 2004an jarriko da indarrean Europa osoan, baina herrialde batzuk lehenago jartzea erabaki zuten, besteak beste, Frantziak.

Aski Da! taldeak Konstituzioaren aldeko ekitaldia egingo du larunbatean, Bilbon

Aski Da! taldeak «askatasunaren festa» izena jarri dion jaialdia egingo du larunbatean, Bilboko La Casillan. *Beharrezko askatasuna. Gora konstituzioa* lelopean egingo den jaialdi ezagun asko bildu asmo du, Angel Acebes eta Jose Maria Michavilla barne eta justizia ministroak barne.

Francoren garaia «erabat amaitzeko» eskatu du Arabako Ezker Independentistak

Arabako Ezker Independentistak Francoren garaiarekin «erabat hausteko» eskatzen duen mozio bat aurkeztu du Arabako Biltzar Nagusietan. Francoren garaian egon ziren ideologia eta politikekin erabat hausteko ere eskatzen du Arabako Ezker Independentistaren mozioak.